

# *IPFI LA MUDZIMU MADUVHANI*

## *AYA A UFHEDZISELA*

 Zwa vhukuma ndi pfanelo u vhuya hafhu vhukati ha avha vhathe vha Tshipenishi matsheloni ano. Huno ndi a mangala uri izwi Jim u khou zwi wana naa. Oo, u khou wana rekhoda. Ndi kha di vha na rekhodo ye khwairi thukhu ya Tshipenishi ya ita musi ndo vha ndi fhano u rangani ndi na Mukomana Garcia. Huno ndi hangwa ulwo luimbo luṭuku lwe vha vha vha tshi anzela u nnyimbela lwone. Fhedzi, oo, nga ndila ye ulwo nda lu takalela! Huno avho vhana zwino vho no aluwa nahone vho no mala. Ndi a pfa zwi bvaho khavho kanzhi. Huno ndo dzhena ngomu matsheloni ano huno nda vhona Joseph muṭuku, huno zwa vhukuma zwe ita tshiñwe tshithu kha nne, huno zwa vhukuma ndo vha ndo takala u mu vhona.

<sup>2</sup> Huno, zwino, ndi na ipfi lithihi line ndi nga li amba nga Tshipenishi. Naa ni do takalela u li pfa? “*Haleluya!*” Na kathihi ilo ipfi a thi nga do li hangwa. Ndo vha ndi tshi khou lingedza u wana musadzi a re dzingandevhe uri a mpfe nga tshiñwe tshifhinga. Zwino, ndi nga di amba izwi nga ndila yo khakheaho tshoṭhe, ni a vhona, fhedzi la khwinesa line nda li elelwa lo vha li “oiga.” Ndi zwone? *Ipfani* nne. *Ipfani*, “oiga.” Huno zwenezwo nda si tsha hangwa na kathihi, “Gloria a Dios!” Zwi tou mangadza! Oo, ndo vha ndi na tshifhinga tsha u vha ngei fhasi tshifhaṭoni tsha mulayo, Mexico City, nda amba navho henengei. Ndo vha ndo takala hani! Huno ndo vha ndi tshi anzela u...

<sup>3</sup> Ndo vha ndi Finland nga murahu ha musi ndo vha ndi fhano. Huno tshifhinga tshoṭhe zwi nkhumbudza u amba na musadzi muṭuku wa Finland. Vho nnzhia vha nnyisa kha tshire vha tshi vhidza “bethany.” Lushaka luňwe na luňwe lu na muhumbulo walwo. (Naa ndi, ni khou wana muungo, ndi tsini nga maanda na iyo? Ni a kona u pfa zwavhuđi, izwo zwi hani?) Uyu musadzi muṭuku, o vha e muthu muṭuku wavhuđi. Fhedzi o vha a tshi nga nne, o vha a tshi takalela u amba nga maanda. Huno muṭalutshedzi... o vha a tshi amba nga u ḥavhanya vhukuma, huno—huno muṭalutshedzi o vha a tshi kundelwa u zwi amba nga u ḥavhanya lwo edanaho kha zwe a vha a tshi ḥoda u amba zwone. Huno o vha a tshi ima nahone tshifhaṭuwo tshawe tsha tswukuluwa, a ri, “Ndo li dzhenisela avho vhanna Babylon.”

<sup>4</sup> Fhedzi, ni a divha, ndo no dzhieila nzhele zwauri zweṭhe zwi—zwiñoni zweṭhe zwi imba nga Tshiisimane, mmbwa dzi huvha nga Tshiisimane, vhuskie vhu lila nga Tshiisimane. Ndi

a mangala uri thaidzo ndi mini nga riñe nga iñwe ndila. Fhedzi muñwe na muñwe washu u elekanya uri luambo lwashu—lwashu lu ño vha luambo lwa Nwahagidi, a hu na zwiñwe. Fhedzi riñe vhe ra ṭanganedza Muya Mukhethwa, izwo ndi ngoho, ngauri ri na luambo lwa Taqulu.

<sup>5</sup> Ri na Mukomana Rowe a re na rine matsheloni ano, mudiplomati a bvaho Washington. Ndi tenda uri o shuma fhasi ha Vhaphuresidennde vhañanu kana vha rathi, Vhaphuresidennde vha sumbe. Huno ni a ñivha uri ndi zwi pfisa hani ndo ima kha iyi, kha iyi pulatifomo, nda amba, na munna o raloho o dzula murahu hanga. Fhedzi vhuñanzi hawe tshifhinga tshoþhe ho vha vhu havhudisa kha nñe, nahone nga maanda musi a...ndi tenda uri o vha e wa Luñtere, arali ndi sa khakhi, e wa Kaþolika kana wa Luñtere, wa Luñtere. Huno o ri o...tshiñwe tshithu nga ha u kokovha fhasi ha dennde muñganonni wa Pentekoste, huno a takuwa...Mafhedziselonni a ya kha aliþari, huno, musi o ita, Murena a tsela fhasi khae huno a mu fhaþutshedza nga maanda lwe...ndi elekanya uri u a kona u amba nga nyambo dza sumbe dzo fhambanaho. Huno o ri o lingedza luthihi, “a lwo ngo shuma,” zwenezwo a lingedza luñwe, “a lwo ngo shuma.” Huno ndi dzhia uri u kona u amba nga Tshipenishi u fana na vhoiñwi noþhe ni tshi kona. Ngauralo a—a lingedza dzoþhe, huno dza sa shume. Huno, ni a vhona, ni a ñivha uri mini, Mudzimu o vha e wavhudí nga maanda, O tsela fhasi huno a mu nea luambo lwe a vha a sa athu lu lingedza u rangani na kathihi, a ri, “Lu a shuma!” Izwo ndi zwone. Ndi elekanya uri iyo ndi ndila ine zwa do vha ngayo kha liña liñwe sia.

<sup>6</sup> Ndi na nyelelwo nnzhi mbiluni yanga dza tshivhidzo tshiþuku ntha, ndi tenda uri tshi...oo, ndi hangwa hune tsha vha hone. Tshi nga hangeno huñwe fhethu tsini na Tshiþaraþa tsha Tonto. Huno itscho ndi a tshi elelwa. Ndi a kona u elekanya ipfi “Tshiþaraþa tsha Tonto,” he tshivhidzo tsha Vhuapostola tsha Tshipenishi tsha vha tshi tshi anzela u vha hone.

<sup>7</sup> Ndo vha ndi tshi khou vhudza mufunzi, “Afha hu ño vha fhethu havhudivhudí ha u vha na mvuseledzo,” phera ndi nnzhi, tshivhidzo tthiswa, vhathe vhathe. Ngauralo ndi elekanya uri hu ño tea mvuseledzo nga liñwe ñuvha. Inwi ni zwi rabelise izwo, ri dzhene ri vhe na mvuseledzo. Zwino, ndi a fulufhela uri i tou vha ndovhololo ya ye ra vha nayo kha tshiñwe tshivhidzo. Ndi elelwa ndo ima dzharatani, ndo ñitika nga luhura, ntha na fhasi zwiþaraþani, ha u lingedza u þuwa heneffo vhusiku, ngoho ho vha hu munyanuwó we nda sa u hangwe na kathihi. Huno ndi na re—rekhodo ya vhatumakadzi vhañuku, vhatumakadzana na vharathu vhe vha imba nahone vha ita rekhodo. Huno vho lingedza u imba “Tendani Fhedzi,” huno a vho ngo tou lu bvisa nga ndila yone, ni a ñivha. Vho ri, vhudzuloni ha “tendani fhedzi,” vha lu bvisela nnða lu “yeonea tendani,” ni a vhona.

<sup>8</sup> Huno ndi elelwa Rebekah, nwananyana wanga, Sarah, huno nangwe zwe ralo vha ri, "Khotsi, kha vha imbe, vha tambe iyo rekhodo thukhu ya vhaṭuku . . ." Vhudzuloni ha uri "Spanish," vho kundelwa u amba ilo ipfi, ha pfi, "Vhasidzana vha spinach, vhasidzana vha spinach vhaṭuku vha tshi khou imba "Tendani Fhedzi."

<sup>9</sup> Zwe ralo, ndi elelwa uri vho tevhela muṭangano. Mvuseledzo yo vha i kati tshifhingani itsho, huno vho tevhela muṭangano ndilani yoṭhe ya u ya Khunzikhunzini ya Vhukovhela. Huno nda . . . tshithu tshiṭuku tsha tumba mbiluni yanga musi ri tshi ṭuwa California, Mukomana Moore na nne, na Mukomana Brown, kule n̄tha ngei tshifhaṭoni tsha mulayo. Huno musi ndi tshi tsela fhasi kha itsho tshifhaṭo uvho vhusiku, avho vhana vho ima heneffo vha tshi khou imba ulwo, "U a ni londa." No no lu pfa. "Kha maora kana mirunzi, U a ni londa." Zwifhinga zwinzhi kha tshakha dzisili, midavhini ya nndwa ya mufhirifhiri wa shango, ndi tshi khou lingeda u disa Mulaedza wa Kristo, ndo vha ndi tshi elelwa avho vhasidzana na vhatukana vha tshi nnyimbela ulwo luimbo, "U a ni londa. Kha maora kana mirunzi, U kha di ni londa." Ngauralo izwo zwe n̄nea mafulufulu mahulwane, thuso.

<sup>10</sup> Ndi tshi ṭangana na mufunzi wa vhoinwi wavhudi, huno ndo takala nga maanda u vhona uri tshivhidzo tshi a tshiā nahone ni na itsi tshifhaṭo tshihulwane tsho nakaho fhano, tshi no dzudza vhoṭhe, phera nnzhi dza u paka. Hu tou vha fhethu ha vhukuma zwandani zwa Muya Mukhethwa, arali ri tshi nga tou Mu ita uri a zwi vhone na uri a divhie zwauri ri khou lila mvuseledzo. Ene, ndi tenda uri U do ri nea inwe.

<sup>11</sup> Zwino, madekwana a ḥamusi ri tshivhidzoni tsha Mukomana Outlaw, tshivhidzo tsha Dzina la Yesu, nga hangei kha liñwe sia. Huno Mukomana Outlaw, ndi tenda kha . . . ndi tshivhidzo tsha Vhuapostola, na thone-vho. Ndi elekanya uri u tou vhidza dzina lawe, tshivhidzo, Dzina la Yesu. Ndi elekanya uri u na lutendo lwa vhuapostola. Ngauralo ri tea u vha henengei madekwana a ḥamusi. Huno zwino a ri khou ri kha tshivhidzo tsha Tshipenishi, "zwino idani hangei," ngauri ni dzula mushumoni wanu. Huno zwenezwo hu khou yo vha na rali khulwane ya Vhanna Vha Bindu Vha Vhakriste, i no thoma nga ḥavhuṇa, nga murahu ha musi tshumelo zwivhidzoni zwiñwe dzo no vala, nga ḥavhuṇa. Huno iyi khuvhangano, vha khou yo vha na zwiambi zwavhudī, huno ngauralo Oral Roberts, na muñwe mukomana wa Methodisi ane a kha di bvou tshidzwa, huno vha amba uri ndi tshiambi tsha maanda. Huno ndi na ngoho ya uri ni do diphina nga idzi khuvhangano. Huno vhoinwi vhana vha murole muṭuku, vha na rali hangei ya vha murole muṭuku na vhone-vho, sa mukomana a tshi kha di bvou divhadza. Ndi na vhana vhanga henengei u itela uri vha kone u dzhena kha iyi. Huno zwino idani hangeno, ri do takalela u vha na vhoinwi. Murena a ni fhaṭutshedze noṭhe.

<sup>12</sup> Huno zwino ndi ṭodou vula kha Bivhili huno nda vhala Ipfi Lawe lo fhaṭutshedzwaho. Huno matsheloni ano ndo nanga, u itela tshifhinganyana, a thi ṭodi u ni fareledza lwo kalulaho, linwe linwalwa, huno linwe lao li wanala kha Samuele ya I, linwe li wanala kha Yesaya. Huno ndi ṭodou vhala kha Yesaya u thoma. Huno ndi . . .

<sup>13</sup> Ni a kona u pfa zwavhuđi, u mona hothe? Vhukati ha idzi khudzaipfi, dzi vhonala dici tshi ntata nga maanda, a thi divhi uri ndi ngani. Ni a pfa zwavhuđi ngeyo nnđa, imisani tshanda tshañu. Ndi zwavhuđi, ndi zwavhuđi.

<sup>14</sup> Zwino, ndi tou vha na manzaranzara zwițuku, a hu na zwiňwe, nga nřhani ha u amba zwinzhi. Huno u bva tshee nda vha fhano na avha vharathu vha Tshipenishi, kha miňwaha i no ṭodou swika ya fumirathi yo fhiraho, ndi a humbulela, khamusi miňwaha i no ṭodou swika ya fumirathi kana ya fumisumbe yo fhiraho, ndi zwone, ndo vha ndi tshi khou rera u bva tsheetsho. Ngauralo ndo vha ndo neta nga itsho tshifhinga, nda ralo, nahone ndi kha di vha ndo neta, fhedzi ndi kha di bvela phanđa nga tshilidzi tsha Mudzimu.

<sup>15</sup> Zwino kha ri vule kha Yesaya 40, ndima ya 40 ya Yesaya; nahone ndima ya 1, kana ndimana ya 3 ya Samuele ya I. Huno zwino ro fara afho fhethu u itela u vhala Ipfi, ndi do takalela zwino riňe ri tshi kotamisa zwifhaňuwo zwashu lwa tshifhinganyana u itela thabelo.

<sup>16</sup> Khotsi ashu wa Tađulu, ri a livhuwa ñamusi iyi pfanelo ya u ima nduni khethwa iyi yavhuđi yo kumedzwaho Mudzimu na mushumo Wawe. Huno sa izwo ri tshi divha uri vhalandi Vhau vho no ima murahu ha iyi pulatifomo hafha kana phuluphithi zwifhinga zwinzhi, nahone na vhutshilo ho kumedzelwaho tshumelo Yau.

<sup>17</sup> Na uri *iyi*, matsheloni ano, i vhuisa dzinyelelwo, nyelelwo dza mvuseledzo ye ya vha i tshi khou tou thoma, nga Muya Mukhethwa wo tsaho nga tshivhumbeo tsha Tshedza tshihulu, vhunga Khavhu ya Mulilo, huno Wa amba uri Mulaedza u tea u ḥanganya lifhasi. Huno zwino ñamusi iyo ndi divhazwakale. Mulaedza wo fara mulilo nga mununa muhulwane, nga murahu ha u Tshi vhona, vhunga Oral Roberts na Tommy Osborn, na Tommy Hicks na vhaňwe vhanzhi. Huno nga vhudidini he ra vhu kuvhanganya, ri a vhona uri Mulaedza wo vhasa mililo ya mvuseledzo kha lushaka luňwe na luňwe fhasi ha Tađulu, ya Mulaedza wa pentekoste. Kha izwi ri nea ndivhuwo na thendo kha Iwe, Oo Mudzimu wa Maanda.

<sup>18</sup> Huno zwino ñamusi ri rabela uri U do dzudzanya mbilu dzashu, ra lugela U Takulelwa Tađulu huhulwane hune ha do itea hu si kale, ri a tenda. Huno arali mbilu dzashu dici songo dzudzanyelwa iyo kana tshinwe tshithu-vho tshine Wa vha natsho tshashu, ri rabela uri U ri hangwele u kundelwa hashu,

huno u do amba na rine namusi nga Ipfi Lau. Fhaṭutshedza mufunzi wa tshino tshivhidzo, madikoni atsho, vhalangandaka, na mirađo zwayo yothe, mirađo. Fhaṭutshedza iyi khwairi ḥukhu, na mutambi wa piano, vhoñemuzika. Vhothe vho ṭangana, fhaṭutshedza avho vha no ḫzhena nga khorø dza afha fhethu. Ngavhe vha tshi ṭuwa vho shandukiswa tshifhinga tshiñwe na tshiñwe, vha tsini zwiñuku ha Iwe u fhira zwe vha vha vhe zwone musi vha tshi dzhena. Zwi tendele, Khotsi. Huno ngavhe izwo zwi tshi ralo, na ano matsheloni, ngauri ri zwi humbelā nga Dzina la Yesu. Amene.

<sup>19</sup> Zwino ri tshi vula kha Bugu ya Yesaya, ndima ya 40, ri a vhala.

*Fhumudzani, fhumudzani vhathu vhang, u ralo...  
Mudzimu.*

*Ambani maipfi a khuthadzo kha Yerusalema, huno ni u huwelele, uri nndwa yawo yo fhela, uri vhutshinyi hawo ho hangwelwa: ngauri wo ṭanganedza i bvaho tshandani tsha MURENA kavhili ya... zwiñhi zwawo.*

*Ipfi la uyo a no huwelela sogani, Lugisani ndila ya MURENA, itelani Mudzimu gondo tswititi phangani.*

*Govha liñwe na liñwe li do huliswa, huno thavha yone na muvhündu zwi do tsitswa: huno ho kombamaho hu do itwa tswititi, huno fhethu hu gogonaho hu do itwa bale:*

*Huno vhugala ha MURENA vhu do dzumbululwa, huno nama yothe i do zwi vhona: ngauri mulomo wa MURENA wo zwi amba.*

Zwino kha Bugu ya Samuele, Samuele ya I, ndima ya 3, ndi ṭodou vhala ya 1, 2, na ndimana ya 19.

*Huno ñwana Samuele a shumela MURENA phanda ha Eli. Huno ipfi la MURENA lo vha li la vhut hogwa mađuvhani ayo; ho vha hu si na bono lo vuleaho.*

*Huno zwo do khunyelela nga itsho tshifhinga, musi Eli o ededzwa fhethu hawe, huno mađo awe a si tsha vhona zwavhudzi, lwe a kundelwa u vhona;*

*... phanda ha musi luvhone lwa Mudzimu lu tshi dzima thembeleni ya MURENA, he mbulungelo ya Mudzimu ya vha i hone, huno Samuele o vha o ededzwa;*

*Lwe MURENA a vhidza... huno a fhindula, Ndi fhano.*

Ndimana ya 19.

*Huno Samuele a aluwa, huno MURENA o vha e nae, huno Ho ngo litsha na ḥithihi la maipfi awe li tshi wela fhasi.*

<sup>20</sup> Oo, ilo li do vha liñwalwa lo edanaho liñe ri nga kona u amba nga halo fhano lwa ñwedzi, huno ri nga kona u kokodza thaluso khulu kha ili liñwalwa la vhugala. Fhedzi matsheloni

ano, nahone ri tou vha na miniti i no ṭodou swika ya fumbili u bva nga tshifhinga tsho teaho kha yashu... ndi a humbulela uri tshikolo tsha Swondaha tsho bva kana khamusi tshi khou tevhela iyi, a thi divhi. Fhedzi, naho zwo ralo, ndi ṭodou shumisa linwalwa la, *Ipfi La Mudzimu Mađuvhani Aya A U Fhedzisela.*

<sup>21</sup> Ndi tshifhinga tshavhudzi nga maanda. Ri a limuwa uri hune ra khou amba ri hone Mañwaloni, ndi zwauri lo ri, "Ho vha hu si na bono lo vuleaho maduvhani a Samuele." Ngauralo-ha, "Hune ha sa vhe na bono," Bivhili yo ri, "vhatu vha a lovha." Ri fanela u vha na bono. Huno mabono a ḋela vhaporofita, huno ndi Ipfi la Murena lo ambiwaho khavho.

<sup>22</sup> Huno ri wana uri Eli o vha a si muporofita, Eli o vha e tshifhe. Huno o vha a tshi khou aluwa, nahone maṭo awe a si tsha vhona zwavhudzi, huno a kundelwa u vhona u mona hoṭhe, e munna muhulwane a lemelaho. Huno o vha o no thoma u litshedza mushumo wa Murena.

<sup>23</sup> Huno itsho ndi tshithu tshi no nga tshine tsha vha zwone ḥamusi. Ndi elekanya uri tshivhidzo, dzangano na dzidinomineisheni, zwo vha tsimuni lwa tshifhinga tshilapfu, huno zwi khou thoma u teledza. Huno mushumo wa Murena u khou litshedzwa, Ipfi la Ngoho, ngauri tshivhidzo, nga tshone tshine, a tshi tsha vhona zwavhudzi. Huno ri a ṭoda, ḥamusi, Ipfi la Mudzimu li tshi amba vhukati hashu, la ri vhuisa.

<sup>24</sup> Huno, ni a vhona, Eli o edela, huno awe... mavhonele awe o vha a tshi khou kundelwa. O vha e tshifhe. Huno vho vha vha si na bono lo vuleaho li bvaho ha Murena. Huno iyo ḥodea khulwane!

<sup>25</sup> Huno Mudzimu o fulufhedzisa u nea ḥodea ya awara. Tshifhinga tshoṭhe u ita zwenezwo. Huno ri ṭoda Ipfi la Mudzimu ḥamusi, u nea ḥodea ya awara, u nea zwo teaho tshifhinga tshine ra khou tshiā khatsho. Huno nga murahu ha musi O no zwi fulufhedzisa, ri nga fulufhela tshoṭhe uri U do vhulunga pfulufhedziso Yawe. Ilo ndi fulufhelo ḅine mutendī a vha na lo kha Muiti wawe, uri O fulufhedzisa u nea ḥodea.

<sup>26</sup> Huno, ḥamusi, tshithihi tshi no itisa uri tshivhidzo tshi vhe kha nyimele ine tsha vha khayo, ndi ngauri hu na maipfi manzhi nga maanda, mařwe maipfi manzhi nga maanda a u kungela tshivhidzo kule ha Ipfi la Mudzimu, u swika zwi tshi timatimisa nga maanda uri vhanzhi vha do pfa Ipfi la Mudzimu naho Lo amba henefho vhukati havho. Vhone khamusi a vha nga vhuysi vha Li pfesesa, ngauri Li do vha tshithu tshisili khavho. Vho didzhenisesa nga maanda kha maipfi a lino ḫuvha!

<sup>27</sup> Huno arali ri tshi dzhiela nzhele, kha u vhala hashu Luñwalo, uri Ipfi la Mudzimu lo vha li lisili khavho.

<sup>28</sup> Huno zwo no vha nga iyo ndila namusi, uri Ipfi la Mudzimu... Hu na mařwe maipfi manzhi nga maanda. Huno zwenezwo arali Mudzimu o fulufhedzisa uri U do ri nea Ilo,

huno arali manwe maipfi a tshi fhambana na Ipfi la Mudzimu, zwenezwo a fanela u vha e ipfi la swina lashu, u ri dadisa, uri ri si kone u pafesesa Ipfi la Mudzimu musi lo amba.

<sup>29</sup> Huno ri dzhiela nzhele uri ho vha hu tshinwe tshithu tshi fanaho na tsha Eli na tsha Samuele, fhedzi Eli o limuwa nga u tavhanya uri ho vha hu Mudzimu. Huno ho vha hu u—u nyefula vhukumakuma kha Eli. Ngauri, Ipfi la Mudzimu, li tshi amba na Samuele, lo mu vhudza nga ha vhukhakhi ha Eli, ngauri o lela vharwa vhawie sa vhushie, huno vho vha vha tshi khou dzhia tshelede na—na nama i bvaho kha zwidzimu. Izwo zwo vha zwi songo luga. Huno vho vha vha tshi khou ita zwithu nga ndila yo khakheaho, lwo fhambanaho na Ipfi la Mudzimu.

<sup>30</sup> Huno Samuele o... tshithu tshi tshothe tshe Samuele a vha a tshi nga kona u tshi ita, o vha a tshi do amba kokotolo. Huno o vha a tshi dzhenwa nga gonobva zwițuku u ita nga u ralo, ngauri ho vha hu u lwa na henehfo fhethu he a rumelwa u aluswa hone kha, Eli na ngomu thembeleni. Fhedzi Eli o ri, "Amber u ye phanda." Ni a vhona? Huno a mu vhudza kokotolo zwo zwa vha zwi tshi khou yo bvelela, zwauri Samuele...kana, "Duvha la Eli lo vha lo no fhela, sa tshifhe," ngauri Mudzimu o no amba, huno Mudzimu o vha a tshi khou rumela Mulaedza Wawe nga Samuele muporofita. Mbebo i sa bvumbelwiho nga maanda, a kumedzelwa kha Murena u bva hanani. Mudzimu o amba nae, sa nwana, nahone a tshi khou mu lugisela mushumo we wa vha u phanda. Huno tshifhinga tsha Eli tsho vha tshi tshi khou fhela.

<sup>31</sup> Hu na maipfi manzhi nga maanda lifhasini namusi, lune ndi tshithu tshi kondaho vhukumakuma, ngauri tshi vhulaha Ipfi la N̄tha Ha Mupo. Hu na maipfi manzhi nga maanda a ndivho, maipfi mahulwane a vhanna vha maanda vha re na ndivho, lune, kha nyimele dzavho dza ndivho, vha vhuya vha dzinginyisa dzitshakha. A vha tou vha vhathu vha madekwe, fhedzi vha dzinginyisa dzitshakha, vha tshi disa madzangano mahulwane fhethu huthihi, mafulo mahulwane, a no nga maluwha. Huno muthu u do dada zwițuku. Zwo edana u vha dadisa, uri izwi zwithu zwi bvela phanda hani nahone zwa bvelela. Huno hu na maipfi ane—ane a takuwa huno a ita izwi zwithu, huno zwi itisa uri Ipfi la Mudzimu li vhewe murahurahu huñwe fhethu, Ipfi la Mudzimu la ngoho.

<sup>32</sup> "Huno Ipfi la Mudzimu," vha ri, "ri do zwi divha ngani uri ndi Ipfi la Mudzimu?" Ngauri, zwa nama... Tshifhingani tshiła zwo vha zwi kha muporofita o khwathisedzwaho. Zwino, nama... ndila ine ra divha ngayo uri ndi Ipfi la Mudzimu, ndi ngauri ndi u vhonadzwa ha Ipfi la muporofita. Uyu ndi muporofita wa Mudzimu. Huno Ipfi la Mudzimu la ngoho li vhuisa fhedzi uyo Mudzimu wa vhukuma, a tshilaho, wa N̄tha Ha Mupo, e na Ipfi Lawe la N̄tha Ha Mupo, e na u vhonadzwa ha N̄tha Ha Mupo ha Ipfi la Ngoho. Zwenezwo ri a divha uri Ndi Ipfi la Mudzimu. Ngauri, nahone ilo la N̄tha Ha Mu... Hu na

mañwe manzhi nga maandā kha mañwe masia, ayo kañukutuku a tou li vhulaha Ilo. Fhedzi, elelwani, Li do penya, Li do bvelela! Li do zwi ita.

<sup>33</sup> Zwino, hu na ipfi ñamusi kha shango la politiki. Ilo ndi ipfi lìhulwane. Nahone vhathu, zwa vhukumakuma, kha lino duvha lìhulwane la politiki, vha do... Zwo tanganana tshothe zwivhidzoni zwavho na tshiñwe na tshiñwe. Huno zwifhinga zwinzhi, zwine ra kha di bva u zwi vhona zwa zwenezwino, uri ipfi la politiki vhukuma lo khwañtha u fhira Ipfi la Mudzimu zwivhidzoni, kana vhathu vha Amerika vho vha vha tshi do vha vha songo ita zwine vha kha di bvou ita na kathihi. Ni a vhona? Vho vha vha tshi do vha vha songo zwi ita. Arali Ipfi la Mudzimu lo vha li tshi do vha lo litshwa li tshi tshila tshividzoni, vho vha vha tshi do vha vha songo ita idzo khakho na kathihi. Fhedzi ipfi la politiki lo khwañtha nga maandesa lìfhasini ñamusi u fhira Ipfi la Mudzimu, u swika vhathu vho no rengisa vhutanzhe havho ha Tshikriste u itela vhuada ha u takalelwa, pfunzo, na maanda a politiki. Ndi ñtoni nga maanda u zwi vhona. Tshithu tshenetsho tshe lushaka lwasu lwa itwa, tshe lwa itwa ngatsho, vhathu vho humela heneffo murahu huno—huno vha votela ngomu tshithu tshe ra tshi sia kha lìñwe shango. Huno—huno Plymouth Rock, na *Mayflower* na vhañwe, vha da hangeno huno—huno vha imisa iyi ekonomi khulwane ine ra vha nayo. Ndi tshenetsho tshithu tshe ra lwa natsho nga maanda uri ri bve khatsho, ro ñivhuyedzedza kha mbofho dzatsho, ngauri Bivhili i amba uri zwi do vha nga iyo ndila.

<sup>34</sup> Huno sisteme ya Eli: tshifhe vhudzuloni ha muporofita. Muporofita ndi Ipfi. Huno tshifhe o vha e tshividzo.

<sup>35</sup> Huno yo dzhena fhetu hune ya swika hune ya vhofholowa nga maanda lune Ipfi ndi lìsili kha vhathu. A vha Li pfesesi. Zwenezwo ni nga Li amba, huno a vha Li pfesesi, ngauri a vho ngo pfumbudzelwa Khañ. Paulo o ri, “Arali porompiña i tshi nea mubvumo u si wa vhukuma, ndi nnyi a no do ñivha u dilugisela nndwa?”

<sup>36</sup> Vhathu vha a pfumbudzelwa kha i—i—ipfi la tshividzo, porompiña ya tshividzo, “Ri na vho engedzeaho kha tshikolo tsha Swondaha tshashu u fhira vhane zwiñwe zweþhe zwa vha navho.” Izwo a zwi ambi tshithu. “Ri na vho engedzeaho kha dinomineisheni yashu u fhira vhane dziñwe dzoþhe dza vha navho. Ri tshihulusa vhukati ha dzidinomineisheni.” Ni a vhona, ulwo ndi lushaka lwa ipfi lìne vhathu vha pfumbudzelwa lone. Tshiñaratani, vha ya nnda u wana vhathu huno vha vha dzenisa ngomu. Mahumi a zwigidi a tshi andiswa nga zwigidi kha fulo lìhulwane, vha a vha dzenisa ngomu. Naa vha takalelani? “Ri na tshividzo tshihulusa. Ri na tshividzo tshihulusa. Ri na tshikolo tsha Swondaha tshi re na mirado minzhi. Ri na meyara wa mudi a no da tshividzoni tshashu.” Izwo zwi nga di vha zwi zwavhudzi tshoþhe, fhedzi arali itsho tshividzo tshithihi tshi

songo pfumbudzelwa Ipfi la Mudzimu, Porompiṭa ya Mafhungo-madifha, naa zwi farisani?

<sup>37</sup> Huno musi tshithu tshi tshi takuwa u tou nga hu na rosi vhukati ha muvhuso washu, naa ho bvelelani? Tshivhidzo a tsho ngo divha Ipfi la Porompiṭa, nahone a vho ngo ḋivha zwe vha vha vha tshi tea u ita. Pfulufhedziso khulwane ya u bvelela, muswonda wa ndivho a no khou dzhenia, huno vha ya nga n̥tha ha tshenetsho tshithu tshe Bivhili ya tshi bvumba, huno vha tshi dzhenisa ngomu. Ni a vhona, ipfi la politiki! Huno lo sumbedza uri lo kandekanya Ipfi la vhurereli, kana na kathihi vho vha vha tshi do vha vha songo ita zwe vha ita, Ipfi la Mafhungo-madifha. Ngauri ri fulufhedziswa zwithu zwinzhi, ri fulufhedziswa u bvelela, nahone a hu na na thimothimo ya uri ri do zwi wana.

<sup>38</sup> Fhedzi, naho zwe ralo, izwo a zwi ambi tshithu kha mutendi. Vulani nga hangei kha Bugu ya Vhaheberu, kha ndima ya 11, thetshellesani uyo Paulo Mukhethwa a tshi amba, nga ndila ye vhone, kha ayo maðuvha, “Vha tendeleka vho ambara mikumba ya nngu na mikumba ya mbudzi, vha tshi shaya, hu si na fhethu, vha kundelwa u dzhenia mudini.”

<sup>39</sup> Ndo vha ndi tshi khou vhala kha Khoro Ya Nicaea, musi mafhungo mahulwane a tshi da ngei Nicaea, Roma, miñwaha ya madana mararu nga murahu ha lufu lwa Kristo, kha Khoro Ya Nicaea khulwane, musi tshivhidzo tshihulwane tshe tsha imela zwe zwa vha zwi zwone, vho ṭoda Bivhili. Huno vharembuluwi vha Roma vha tshivhidzo tsha u thoma tsha Roma vho vha vho no panga dzidogima, u amba, sa tsumbo, vhunga ri na Khushumusi.

<sup>40</sup> Khushumusi, Kristo o vha a si tsha vha o bebwaho nga ḫuvha la vhufumbilithanu la—la Nyendavhusiku u fhira n̥ne ndo ralo. Mulandu, mivhundi ya Ŷuda yo vha i na mahada, huno Ene... Zwi fhambana na zwiñwe zwiporofito zwa Bivhili. O bebiwa tshimedzi, vhunga ngwana dzothe dici tshi zwaliwa. Ndi ngani O bebelwa duluni vhudzuloni ha nduni? O vha e Ngwana. Ndi ngani A songo tou gidimisewa kha alitari kana kha alitari Yawe he A vha o omobelwa kha, tshifhambano? O rangwa phanda tshifhambanoni. Inwi ni ranga phanda nngu u thavhiwani. O vha e Ngwana. Zwenezwo O bebiwa musi ngwana dici tshi dzwaliwa.

<sup>41</sup> Fhedzi, ni a vhona, u ita izwo, vho vha vhe na ḫuvha la mabebo la mudzimu wa ḫuvha, line, kha sisteme ya ḫuvha, du—duvha kha maðuvha mañanu u bva nga la fumbili la Nyendavhusiku u swika nga la fumbili la Nyendavhusiku, a hu na na u sudzuluwa na luthihi, ha ḫuvha. Li—li a fhambanyisa zwiñku ḫuvha liñwe na liñwe, li a lapfa na u lapfa na u lapfa u swika i tshi rwa ḫuvha lo lapfesaho layo nga Fulwana. Huno zwenezwo, nga Nyendavhusiku, ḫuvha layo lo pfufhifhalesaho. Huno zwenezwo itsho tshifhinga tshiñku tsha la fumbiliñhanu, u bva nga la fumbili u swika nga la fumbiliñhanu, vho vha vhe na sekhasi ya Roma na munyanya

wa mabebo a mudzimu wa ḋuvha. Ngauralo zwenezwo Jupiter, we a vha e mudzimu wa Roma, huno zwenezwo vha li panga, nga u amba zwenezwo, “Ri do dzhia Murwa wa Mudzimu na ḋuvha la mabebo a mudzimu wa ḋuvha, izwo ra zwi vhea fhethu huthihi uri zwi vhe munyanya mūthihi muhulwane.” Izwo zwi a fhambana! Nahone, oo, u pangwa hunzhi he vha hu vhea ngomu heneffo!

<sup>42</sup> Huno zwenezwo musi avho vhanna vha ngoho vha Mudzimu vhe vha ṭoda u dzula na Ipfi, vhunga Polycarp, Irenaeus, Martin, avho vhanna vhahulwane, vha u ranga, vhakhethwa vhe vha ṭoda u dzula na Ngoho... Huno musi vha tshi qisa nga Khoroya Nicaea, vhañwe vha avho vhathu vho vha vho no landulwa nga maanda u swika vhaporofita vha tshi dzhena ngomu vha tshi bva sogani vha si na tshithu u mona navho nga nnnda ha tshipida tsha mukumba wa nngu, u dzula ngomu ha iyo khoro. Fhedzi vho divha Ipfi la Murena. Fhedzi u takalelwa, ayo maduvha a fumiñhanu a politiki ya tshululo ya malofha, huno ha Li kandekanya. Zwenezwo ra vha na miñwaha ya tshigidi ya tshikhathi tsha u shaea ha ndivho, ni a vhona.

<sup>43</sup> Fhedzi Mudzimu o fulufhedzisa zwauri iyo Porompiṭa i do lila hafhu. Tshifhinga tshothe vhathe vha thetshela Ipfi la Ipfi la ngoho, tshifhinga tshothe thathuvhani zwine na ita nga Ipfi.

<sup>44</sup> Ipfi la politiki. Huno riñe kha la Amerika na zwiñwe zwipiða zweþhe zwa shango, ri na ipfi li no pfalesa ñamusi, huno ilo ndi ipfi la Hollywood. Lo thuba shango. I ri ni muñwe a bve Hollywood na tshinwe tshithu, ni do tshi wana shangoni loþhe. Zwino, ri dzhieila nzhele zwauri vho vhekanya paþeroni ya vhasadzi vhashu, kha rokho yavho, zwitaila zwa mavhudzi avho. Vho vhekanya iyo rokho.

<sup>45</sup> Tshihidzo tshi tea u ðivha Ipfi la Porompiṭa ya Mudzimu kha izwo! Fhedzi hu na ndado nnzhi nga maanda ngauri ni vhona vhañwe vha tshi ita nga u ralo, dzitsumbo. Na kathihi ni songo dinea pateroni sa ulwo lushaka lwa tsumbo, ngauri i a lovha. Tshifhinga tshoþhe ipfani Ipfi la Mudzimu, zwine A amba nga hayo.

<sup>46</sup> Huno zwenezwo ri dzhieila nzhele, ngei Hollywood, vha takusa zwithu. Huno i ri ni ndi ambe lwa tshifhinganyana nga ha izwi ri sa athu ya phanda. Ho vha hu na tshi—tshithu tshe tsha bvela nnða zwi si zwa kale, tshe mu—munna ngei Hollywood... A hu na tshire nda lwa na uyo munna ngatsho zwino, ene ndi a faho we Kristo a mu fela, fhedzi u tou ni sumbedza. Vho tumbukisa tshithu tshiþuku tshi no vhidzwa, vhana vho vha vha tshi anzela u tshi vhidza “hula-hoop,” hula-hoop, kana tshiñwe tshithu. Huno arali no vhuja na dzhieila nzhele mikhwa mivhi na zwithu zwi no tevhela izwo zweþhe, kha vhana vhaþuku. Izwo a si zwone.

<sup>47</sup> Zwino, Hollywood yo dala nga—nga vhorazwigidi. Zwino, muňwe na muňwe a no ɖivha ɖivhazwakale, u a ɖivha uri avho vhathu murahu hangei mađuvhani ayo, vhe vha vha vhe vhorazwigidi vhunga vha—vhathu vho fhambanaho, vho vha vhe si vhadzulapo vha ḥonifheaho, vho vha vhe mashandukwa, vho vha vha tshi nga Al Capone na Dillinger. Vha na mutambo wa Hollywood une vha u vhidza, kha—kha thelevishini, vha u vhidza, “Vhutsi-ha-tshigidi.” Huno ndo pfa kha *Monitor* nga liňwe ɖuvha uri muthu a no u tamba, Arness kana tshiňwe tshithu, kana Arness, kana ndi hangwa zwine dzina ɬawe la vha zwone, huno u tea u dzhia... U imela Matt Dillon we a vha e muofisiri muhulu ngei Kansas. Huno Matt Dillon o vha e wa tshirulwane sa muvhudu. O thuntsha vhanna vha fumbilimalo muṭanani, vhathu vha si na mulandu, vha tshi bvela nn̄da ha Dodge City huno vha lindela dakani. Huno musi munna a tshi da, onoyo muňwe muthu u do mu vhidza huno a mu vhudza uri ho vha hu na muňwe muvhifi we a vha a tshi khou fhira, zwenezwo ibvani heneffo nahone, musi uyo munna a tshi dzhena ngomu, u do mu thuntsha nga kha muṭana. Zwino ri wana uri ndi “muthu muhulu” a no tsela phasi. Mulandu, zwa—zwa vhukumakuma ndi u ɳea tshivhi vhugala. Fhedzi vhana vhaṭuku vha shango ɬashu vha nga ni vhudza zwo engedzeaho nga ha Matt Dillon u fhira u kona u ni vhudza nga ha Yesu Kristo. Ma—ma—mavhengele, mavhengele a sente-dza-fumi, na muhasho wa zwiambaro, u khou nembeledza zwigidi zwa zwitambiswa zwo ɖalaho zwiṭuku—zwiṭuku, u na miňadzi miṭuku ine—ine ni nga i renga huňwe na huňwe. Zwo luga u i ambara iyo, fhedzi nne—nne ndi khou tou ni vhudza, ni a vhona. Zwenezwo vhone—vhone, shango la mbambadzo, li doba itsho tshithu huno la ita dolara dza dzimilioni ngatsho.

<sup>48</sup> Ri na line ra li vhidza “Duvha la Mk. Patrick,” ri na ane ra a vhidza “holodeni dza vhurereli.” Huno shango la mbambadzo lo zwi doba, huno vha ita dolara dza dzimilioni. “Duvha la Vhomme,” zwivhalonyana zwa maluvha. Mulandu, ɖuvha liňwe na liňwe li tea u vha ɖuvha li huliseaho kha mma. Vha huňwe fhethu, vho aluwa, iyani u vha vhona. Izwo zwi do vha zwa ndeme u fhira maluvha ojhe ane ni nga vha rumela one, kana tshiňwe tshithu-vho. Ni a vhona, fhedzi vha a li ka. Ndi ipfi, huno—huno ri diṭanganya ngomu heneffo nalo. Zwa vhukuma a si zwone. Fhedzi ni khou yo itani? Ni a vhona, ri—ri tou...

<sup>49</sup> Nne ndi khou lingeda u swika kha kuvhonele hafha kwa u ni vhudza tshiňwe tshithu, tshine nda—nda tenda. Ipfi a li sokou wanala, Ipfi la Mudzimu.

<sup>50</sup> Zwino, ri wanulusa uri vho vhekanya ligi. Huno no no vhuya na dzhiela nzhele, vhatukana vhashu vhaswa vho no vha “Ricky” na “Elvis.” Inwi ni na ńwana o rinwaho lelo, li shandukiseni nga u ḥavhanya, mu vhidzeni nomboro “ya u thoma” kana “ya vhuvhili,” kana tshiňwe tshithu. Ni songo, izwo

zwo vhifha... Inwi ni ri, "Naa dzina li amba phambano-de?" Mulandu, ngoho, li amba tshiñwe tshithu. Dzina lanu li ḥalula vhutshilo hanu. "Zwino, Mukomana Branham, ni kha ngudo ya dzinomboro." Hai, nne a thi khayo! Nne ndi kha U RALO MURENA! Ndi ngani zwo vha zwi zwezwo musi Yakobo, o tshila u ya nga dzina lawe, sa—sa mufhuri, mudzia-maano, Yakobo. Huno musi Mudzimu o mu shandukisa, O shandukisa dzina lawe. Mudzimu o shandukisela Saulo kha Paulo, Simoni kha Petro. Zwa vhukuma, li na tshinwe tshithu. Huno Ricky na Elvis, na madzina a no nga eneo, ndi dzina la Amerika la musalauno li no posela ḥwana hu si na u diitisa ngomu ha heļo. Ni a vhona uri ndi khou amban?

<sup>51</sup> Zwino, ndi a fulufhela a thi...ndi khwine ndi tshi zwi vhetshele kule huno nda sa ye kulesa kha davhi hafha, (ni a vhona zwine nda khou amba?) lune na sa do pfectesa. Fhedzi izwi zwithu zwoṭe a zwi vhuyi zwa pfectesa na nga muthu zwawe. A vha zwi pfectesi, ngauri vha na muhumbulo muthihi. Ndi zwenezwo fhedzi zwine vha zwi thetselesa, ayo maipfi.

<sup>52</sup> Hu na ipfi la vhadihvi vha zwa muhumbulo, Vhukomunisi, vha tshi khou fulufhedzisa tshiñwe tshithu tshire vha nga si kone u tshi tikedza. Huno nangwe zwo ralo pfectente khulwane ya vhathe vha Amerika yo putelwa kha Vhukomunisi. Zwino, ndo vha ndi kha Vhukomunisi, zouni dza Vhukomunisi, kha ndi ralo, kha la Germany, siani la vhubvađuvha ha Berlin. Vho vha vhe na nnđu khulukhulu dza u sumbedza linnda. Ni tea u tshimbila nga ngomu hadzo, a dici athu vhuya dza fhela. Ndi ekonomi ya khole-khole, vha khou lingedza u sukumedza tshiñwe tshithu.

<sup>53</sup> Huno, kha la Russia, fhethu ha mabebo a Vhukomunisi... Zwine, miñwaha minzhi yo fhiraho, musi ndo vha ndi tshi kha di vha mureri wa mutukana, ndi do ri miñwaha ya furaruraru yo fhiraho, musi sisteme ya Nazi, sisteme ya Faci, na Vhukomunisi zwo vha zwi tshi khou takuwa, nda ri, "Ndi amba nga Dzina la Murena! Zwoṭe zwi do guma nga Vhukomunisi." Fhedzi, no no vhuya na elekanya, Mudzimu o ri siela avenyuu ya u bva, arali ri tshi nga tou i dzhia. Hu na pfectente nthihi fhedzi ya Russia i re Vhukomunisi, pfectente nthihi, fhedzi ndi vhone pfectente i no langa. Pfectente nthihi ya Vhukomunisi... pfectente nthihi ya Russia ndi Vhukomunisi, kha ndi ralo, fhedzi vha a langa.

<sup>54</sup> Huno zwenezwo zwithihi, Hollywood ndi fhethu huthihi, fhedzi vha kha ndango.

<sup>55</sup> Tshi no ḥodou swika tshararu kana zwivhili kha zvararu zwa vhathe vha United States zwi ya tshivhidzoni, huno ndi mirado ya tshivhidzo, fhedzi vha a langa kha idzo dinomineisheni.

<sup>56</sup> Tshire Vhukomunisi ha ḥoda hangei ndi Ipfi la Mudzimu li tshi takuwa vhukati havho, huno Li do vhu shonisa.

<sup>57</sup> Kha la Finland, musi ula mutukanyana a tshi vuswa vhafuni nga ilo ḥuvha, huno vho vha vha tshi khou nnđisa vhukule

ha zwikwea zwiraru, he uyu muthu mułuku a vuswa hone, vhafu; maswole a Vhukomunisi, Marashia, vho ima henehfala nga ndumeliso ya Russia, na mitodzi i tshi khou elela maramani ao. Vha ri, "Ri do ḥanganedza Mudzimu ane a nga vusa vhafu." Ndi nditshedzelo ya tshivhidzo tsha Kaṭolika na tshivhidzo tsha Luṭere, na idzo dinomineisheni dzothe, hūno dza dzhia tshelede yothe, nahone dzi tshi khou fhaṭa madzangano, nahone dzi sa khou nea vhathe tshithu. Vha tshila vhunga vhañwe vhathe vhothe. Hu na . . .

<sup>58</sup> Tshine Russia ya ḥoda ndi muporofita a no tea u vuwa vhiponi e na Ipfi la Murena, ane a kona—a kona u vala mulomo. Zwenezwo avho vha phesente dza fuṭahe vha do dzhia maanda.

<sup>59</sup> Tshine Amerika ya ḥoda ndi Ipfi la muporofita wa Mudzimu, ane a nga kona u ima huno a haṭula Hollywood, huno a haṭula izwi zwithu nga Dzina la Yesu Kristo, huno Tshivhidzo tsha Muya Mukhethwa tshi do dzhia maanda. Nčado yo kalulesa, ni a vhona, maipfi manzhisa a u fhambana Naļo.

<sup>60</sup> Tshivhidzo, ipfi latsho, tshiñwe na tshiñwe tshi ḥoda mirađo yo engedzeaho. Baphuthisi i ḥoda yothe, Methodisi i ḥoda yothe, Puresbiterieni. Rothe ri nazwo izwi. Huno Kaṭolika i vhonala i tshi nga i khou yo dzhia yothe, huno vha do ralo. Ilo ndi Ipfi la Mudzimu kokotolo li bvaho kha ino Bivhili. Vha do vhusa.

<sup>61</sup> Fhedzi Uyo Mudzimu Waṭađuluṭadulu u do vhusa mafhedziseleni. Vhakhethwa vha do dzhia maanda, nga linwe duvha, Bivhili yo amba nga u ralo. Vha do dzhia maanda.

<sup>62</sup> Maipfi manzhi o vhfahao nga maanda! Zwenezwo hu na ipfi la muporofita wa khole-khole. Ilo ndi ipfi li ofhisaho, munna a no divhidza muporofita. Muporofita, a hu na zwiñwe, ndi mureri. Ipfi la musalauno "muporofita" zwa vhukumakuma li amba "munna a no rera e na u hevhedzwa." Hu na munna a no ima huno a divhidza muporofita, huno a hana Ipfi la Mudzimu, a hana Ngoho ya Mudzimu. Hu na maipfi manzhi nga maanda!

<sup>63</sup> Lwa zwifhinganyana zwi si gathi zwo fhiraho, ho vha hu na mukomana ngei nda a tshi khou ndaedza hune nda tea u dzhena hone u swika hafha, fhedzi nda . . . humbulela o mangala uri ndi ngani ndo gonya nga tshiṭaraṭa huno nda rembuluwa nahone nda vhuya. Arali ni hone fhano, mukomana, ndo vha ndi tshi khou thetshela tshiñwe tshithu, ho vha hu khonani dzashu—dzashu dla makhaļadi, vhanegro. Vha na thembele fhano, huno vha i vhidza, "Eliya Mohamede," kana tshiñwe tshithu, "Eliya Mohamede muswa." A tshi takuwa na ipfi, nahone a tshi ri vhone vha ipfi li no khou yo bvisa lu—lushaka lwa makhaļadi kha ili vilinga. Izwo, ni a vhona, tshenetsho tshithu, Musulumani wavho—wavho—wavho u fhano, Mosque wavho. Mulandu, a ni vhoni, uri zwenezwo zwa murahu zwazwo, zwo khakhea!

<sup>64</sup> Makhaļadi, vha tou funa vhathe vhatshena, vhathe vha muronzhe, na vhathe vha tshirulwane, hu si murahu kha—

murahu kha sisteme ya Mohamede, fhedzi vhuyeletani kha Kristo, milayo yeneyo ine Bivhili ya funza. Sisteme ya Mohamede i lwa na Ipfi. Zwino, ndo vha na pfanelo ya u isa Vhasulumani vha zwigidi zwa fumi kha Kristo nga tshinwe tshifhinga ngei Durban, Afurika-Tshipembe. A zwi bveledzi tshithu nga nnnda ha saikholodzhi. Huno saikholodzhi yo luga tenda saikholodzhi i sa hani Ipfi. Fhedzi musi saikholodzhi i tshi hana Ipfi, zwenezwo saikholodzhi i khou khakha. I nea mubvumo u si wa vhukuma. Tshinwe na tshinwe-vho tshi re hone tshi do lovha nga nnnda ha Ipfi la Mudzimu, Yesu o amba nga u ralo, "Maṭadulu na lifhasi zwi do lovha, fhedzi Ipfi Langa a li nga lovhi na kathihi." Ngauralo, ni a vhona uri ri fanela u dzula na Ipfi, Ipfi.

<sup>65</sup> Ngauralo vhanzhi vha vilinganya zwithu! Vhathu vha a ima, a vha divhi Ipfi, huno vha amba zwithu, huno khamusi zwi pfala zwi zwi pfalaho. Vhukomunisi ndi tshithu tshi pfalaho nga maanda, "Muthu muñwe na muñwe nga ndila i fanaho. A hu tshe na vha khephthalizimu, vhothe ndi Makomunisi." Naa no no vhuya na ima uri ni elekanye uri iyo ndi mvuseledzo ya khole-khole, Vhukomunisi ho tou ralo? Huno ndi ngafhi he a i nea pateroni ya u nga hone? Yone... Yesu o ri, "Iyo mimuya mivhili i do vha tsini na tsini, zwi do fhura Vhanangiwa arali zwo vha zwi tshi konadzea." Huno tshinwe na tshinwe tshire Diabolo a vha natsho, ndi u shandea ha tshe Mudzimu a sika. Tshivhi ndi—ndi u luga ho shandiwaho. Mazwifhi ndi Ngoho i songo vhewaho zwavhuđi. Vhupombwe ndi—ndi, nyito ye Mudzimu a ri tetshela khayo, yo shandearo. U sa tenda hothe ndi u shandea ha lutendo. Inwi ni tea u hana Ngoho uri ni kome u dzhia u—u shandea. Ni a vhona, lugisani aya maipfi, a lingululeni nga Ipfi huno ni vhone arali a Ngoho.

<sup>66</sup> Oo, nga ndila ine ri nga bvela phanda na phanda, nga ha aya maipfi a namusi, fhedzi tshifhinga tshashu tsho fhela. Fhedzi, maipfi manzhi nga maanda lune vhathu vha sa divhe zwine vha tea u ita. Vha Methodisi mafhedziseloni vha do pfa mureri wa Baphuthisi, vha do ya henengei, vha do dzula henengei lwa tshifhinganyana huno zwenezwo vha ya kha ya Luđere. Huno kha Vhapentekostała, vha na zwigwada zwo fhambanaho, muñwe u do gidimela kha inwe, huno muñwe kha inwe, zwenezwo murahu na phanda. Zwi sumbedza uri a ni o khwađahao. Ipfani Ipfi Lawe! Ngeli, lo nwalwa kha bammbiri, Ipfi, Ipfi li do khwađisedzwa arali Li Ngoho.

<sup>67</sup> Tshivhidzo tsha shango a tshi divhi uri tshi tea u itani, shango la politiki li kha vilinga. Tshinwe na tshinwe tshi vhonala tshi kha vilinga. Vhathu vha bva fhano vha tshi gidima, tshinwe tshithu-vho tshi a takuwa, inwe badzhi, inwe nguvho. Musi ndo vha ndi ngei Roma, vho wana zwibigiri zwa fumišahe zwo khwađisedzwaho zwo fhambanaho zwo zwa ombelwa tshanđani tsha Yesu; huno hu na zwiraru fhedzi, fhedzi nangwe zwo ralo vha na rekhodo ya uri zwibigiri zwa fumišahe zwo fhambanaho.

Zwino, zwi ita phambano-de zwauri ndi nnyi a re na tshibigiri? Kristo na kathihi ho ngo ri siela zwibigiri zwa uri ri zwi luvhe, O ri siela Muya Mukhethwa, nga Ipfi Ławé! “Izwi zwiga zwi do tevhela avho vhane vha tenda, vha do vha na tshibigiri tsha mathomo”? “Vha do vha... Izwi zwiga zwi do tevhela avho vhane vha tenda, vha do vha vha dinomineisheni ye Nda i thoma”? Ho ngo thoma na nthihi. Ni a vhona uri ipfi lo fhambana hani?

<sup>68</sup> Fhedzi, “Izwi zwiga zwi do tevhela avho vha no tenda; nga Dzina Łanga vha do pandela vhodiabolo.” Ngelo Ipfi. “Vha do amba nga dzindimi ntswa; vha do takula mañowa, ayo a nga si vha tshinye. Arali vha nwa zwithu zwi vhulayaho, a zwi nga vha dini. Arali vha vhea zwanda zwavho kha vhalwadze, vha do fhola.” Huno inwi sedzani izwi zwithu na zwiñwe zwipida zweþte zwa Luñwalo zwe þanganywa.

<sup>69</sup> Zwino, izwo zwi zweþte a zwi nga zwi khwaþisedzi, na luthihi. Heneþho ndi hone hune rine Vhapentekostala ra vha ndilani mmbi. Naa Yesu ho ngo ri, “Vhanzhi vha do da kha Nne nga ilo ðuvha, huno vha ri, ‘Murena, naa a tho ngo ita zwithu zwa maanda nga Dzina Lau? Naa a tho ngo porofita nga Dzina Lau? Naa a tho ngo ita izwi zweþte nga Dzina Lau?’” Huno Yesu a ri, “Tuwani kha Nne, vhoiñwi vha no ita vhutshinyi, A tho ngo ni ðivha na kathihi.” Naa ni a vhona, khaladzi dzanga na vhakomana vhanga, uri ndi ngani ndi tshi khou haþula nga maanda na u wana mulandu uyu murafho? Inwi ni nga di amba nga ndimi vhunga vhanna na Vharuñwa, ni nga di tshina ni Muyani u mona hoþhe na tshivhidzo, izwo a zwi na mushumo Nazwo.

<sup>70</sup> Ndo no vhona Vhasulumani vha tshi tshina vha tshi mona nga u ralo. Ndo no pfa kha dokotela... gammba ya ñanga, nda vhona vhaloi vha tshi ima huno vha amba nga dzindimi nahone vha þalutshedza, huno vha amba kokotolo zwe zwa vha zwi tshi khou yo bvelela, huno zwa bvelela nga iyo ndila. Ndo no vhona na penisela i tshi takuwa huno ya ñwala nga ndimi dzi sa ðivhei, huno ndi muthihi fhedzi we a kona u dzi vhala, huno o vha e wa Diabolo. Ni nga si kone u tea vhuyo ha U Ya Nga Hu Sa Pheli hanu kha munyanyuwo. Saþhane a nga kona u edzisela muñwe wa iyo minyanyuwo. Hu si... Ndi u ðivha Kristo, tshiñwe tshithu tshi a shanduka vhutshiloni hanu. Sedzani vhutshilo hanu huno ni vhu nee paþeroni ya Ipfi, nahone ni vhone hune na vha hone. Ðitoleni, zwa vhukuma.

<sup>71</sup> Nangwe hu na uhu u edzisela hoþhe, maipfi a khole-khole, vhaporofita vha khole-khole, izwi zwiñwe zwithu zweþte zwi no khou takuwa, Yesu naho zwe ralo o amba, nangwe hu na izwi zweþte, “Arali muthu a tshi do pfa Ipfi Łanga huno a Ntevhela.” Ndi Ene Ipfi. Thetshelesani, ndaela Yawe kha riñe ñamusi, kha maipfi aya oþhe. Zwine, ndo ri zwi do dzhia dziawara u bvisela nnnda aya maipfi oþhe. Huno zwi a ðaðisa kha vhatu, ndi tshithu

tshi pfisaho vhuṭungu. Huno, itali, a ni wani tshikhala tsha vhuvhili, ni tea u Li dzhia zwino. Ni nga di balelwa u wana tshikhala madekwana a namusi. Ni nga di balelwa u wana tshifhinga matshelo. Ndi zwino! “Musi ni tshi pfa Ipfi Langa, ni songo kondisa mbilu yanu, sa nga mađuvha a u ñala. Zwino ndi tshifhinga. Itshi ndi tshifhinga tshi ḥanganedzeaho tsha uri arali muthu a tshi do pfa Ipfi Langa.” Izwo zwi sumbedza uri Ipfi Lawe li do di vha li hone vhukati ha vilinga lothe. U kha di vha na Ipfi! Mulandu? Ipfi Lawe li do dzula li hone. Ngeli, “Mađadulu na lifhasi zwi do lovha, fhedzi Ipfi Langa a li nga do lovha,” Ipfi Lawe.

<sup>72</sup> Kha ri tou dzhia, ri ri, miňwe miniti miňanu, nga u ṫavhanya. Naa ni nga kona, ni do dzula tshifhinga tshingafho, kana miniti i si gathi? Zwino, ndi do gidima. Kha ri tou dzhia vhaňwe vhe vha pfa ili Ipfi huno vha Li thetshesela. Nga ndila ye La vha ita uri vha di fare ngayo, zwe La vha ita uri vha ite. Zwino ndi khou yo fhira vhunzhi ha—ha Luňwalo hafha, u tou itela uri ndi kone u da tswititi kha inwi nga ndila ye La shandukisa vhutshilo havho na vhothe vhe vha vha vhe navho, nga ndila ye vha vha lipambuwi, ri li vhidza “muthu a sa pfecteswiho.” Muthu muňwe na muňwe we a vhuya a tenda Mudzimu, o dzhowiwa sa lipambuwi. Ngauri, arali ni kha ndila ya muhumbulo wa shango, hu na tshiňwe tshithu tsho khakheaho kha inwi. U vha Mukriste ni tea u vha lipambuwi. “Ngauri vhothe vha no do tshila nga u ofha Mudzimu kha Kristo Yesu vha do tambula mitovholo ya shango. O vha e shangoni, huno shango lo itwa nga Ene, huno shango a lo ngo Mu divha.” Nga u ṫavhanya zwino, thetshesani zwavhuđi ri tshi vala.

<sup>73</sup> Adamu o pfa Ipfi Lawe, kha u rotholela ha nga madekwana, huno a vha na vhuṭama Nae. Ho vha hu si khatlulo kha Adamu. O pfa Ipfi la Mudzimu, huno a ri, “Khotsi, zwino ndi lala fhasi uri ndi edele.” Huno a lala fhasi, huno Efa e kha tshanda tshawe, ndau, nngwe, na zwivhanda zwa daka zwo lala henefho u mona nae, ho vha hu si na tshinyadzo, hu si na ndila ya u lwala, hu si na ndila ya u mangala arali a tshi do vuwa nga matsheloni, vha khou yo vuwa. Adamu o pfa Ipfi Lawe nga ndila ye a vha o tea o Li pfa ngayo.

<sup>74</sup> Fhedzi nga linwe duvha o pfa ipfi la mufumakadzi wawe. Ndi khwine ndi tshi litsha ilo li lothe lwa tshifhinganyana. Fhedzi o thetshesela ipfi li si lone, nangwe zwo ralo ho vha hu mufumakadzi wawe, tshivhofhekanyi tsha tsinisa tshe a vha e natsho kha lifhasi. Ndi ngani a songo ralo, vhunga Yobo, “Iwe u amba sa musadzi wa tsilu”? Huno arali lo vha li tshi do ralo, lushaka lwothe lwa vhathu lwo vha lu tshi do vha lu tshi kha di tshila vhudzuloni ha u fa. Lo shandukisa budo la vhathu na tshifhinga. Fhedzi o pfa Ipfi la Mudzimu, a vha na vhuṭama Nalo, fhedzi musi a tshi rembuluwa... O zwi divha haníuri mufumakadzi wawe o khakha? Elelwani, wo vha u tshi takadza.

<sup>75</sup> Ri a elekanya ńamusi uri dzangano lashu, tshivhidzo, ri elekanya uri u bvelela hashu ńamusi ndi Mudzimu a no khou ri seisa. Zwi vhonala zwi zwavhuđi. Zwo vhonala zwi zwavhuđi musi Mika o ima phanda ha vhaporofita vha mađana mađa, huno shango lothe lo vha li lavho, na Vhafilista vho vha vhe khalo, kana Vhaasuri, zwo vhonala zwi zwavhuđi. Avha vhaporofita vho vha vha tshi khou amba, “Ibvani ni ye hangei, ilo ndi lashu. Li dzhieni!” Fhedzi ho vha hu si Ipfi la Mudzimu. Huno Mika a rembuluwa huno a sema ipfi. Huno o divha hani u ita izwo? Ngauri bono ławe lo vha li kokotolo na Ipfi. Iyo ndi yone ndila i yothe ya u zwi fulufhela na u zwi vbona ńamusi, zwi tea u vha kha Ipfi.

<sup>76</sup> Zwenezwo no dzhieila nzhele nga murahu ha musi Adamu o thetshelesa linwe ipfi nga nnda ha Ipfi la Mudzimu, mufumakadzi wa ene muñe. Huno tshivhidzo tshi khou thetshelesa ipfi la dzangano latsho, tshi tshi panga ndaela ngomu havho vhudzuloni ha Ipfi, tshi tshi vha tendela u tshila nga ndila inwe na inwe ine vha funa. Musi vha tshi khou di ya tshivhidzoni nahone vhe murado wa tshiinwe tshivhidzo, ndi zwone zwi shumaho. Vhuțumani vhune mutendi a vha naho kha lifhasi ha tsinisa, khavho, ndi tshivhidzo. Fhedzi mutendi, mutendi wa vhukuma, vhuțumani ha tsinisa ndi Muya Mukhethwa, ndi Ipfi la Mudzimu.

<sup>77</sup> Ngauralo ni wana uri Adamu o limuwa nyimele yawe, huno a pfa Ipfi la Mudzimu li tshi vhidza hafhu, huno o vha e mađarini tshifhingani itsho. Fhedzi lo vha li ipfi la khađhulo, “Ndi ngani wo ita izwi?”

<sup>78</sup> Ndi a mangala arali Amerika ńamusi, kana shango kha khakhathi ya vhurereli yalo, sa zwine ya vha zwone, huno Amerika i tshi khou mila, i tshi khou milwa, vhu do vha vhurereli ha lushaka hu si kale. [Tshikhala kha theiphi—Mudz.]

<sup>79</sup> Naa ndi nnyi o dzulaho phanda hanga? Ndi a divha uri ndi theiphi huno dzi do ya shangoni lothe. Ri na mbekanyamishumo dza theiphi, dzine Mulaedza muřwe na muřwe u dzhenisa shango lothe ngomu, mařwe mashango othe.

<sup>80</sup> Zwo luga, zwino arali ni tshi do sedza na vbona, no tou ima kha mađari a muhuyu. Musi Ipfi la Mudzimu la ngoho li tshi bvela nnda, a vha divhi uri vha nga itani ngalo. Zwi khou dadisa, a vha divhi zwine vha tea u ita.

<sup>81</sup> Nga u t̄avhanya, Noaxe o pfa Ipfi la Mudzimu. Lo vha li tshi khou lugisela u tshidza vhutshilo hawe, huno a tevhela dzindaela nahone a ima.

<sup>82</sup> Arali muthu a tshi pfa Ipfi... Zwino thetshelesani, pfesesani ili zwavhuđi nga mađana. Ni songo kundelwa. Arali muthu a tshi pfa ipfi la tshiinwe tshithu, huno arali Li tshi sumbedza li Ipfi la Mudzimu, nahone nga tshifhinga, huno zwenezwo ilo la bva li

ha muthu, maṭadulu na ḥifasi zwi ḫo lovha fhedzi iḥo Ipfi ḥi nga si lovhe.

<sup>83</sup> Noaxe o pfa Ipfi, huno a haṭula shango. Huno vho sea tshifhaṭuwoni tshawe ngauri Mulaedza wawe—wawe a wo ngo tendelana na vhukoni ha saintsı havho, fhedzi yo na ya tshinyadza shango lothe. Ni a vhona? Ipfi lawe ḥe la bva, mbeu yo vha i henefho. Tshikhathi tshiñwe na tshiñwe tsho vha nga ndila i fanaho.

<sup>84</sup> Samuele, o tshuwa musi a tshi pfa Ipfi ḥa Mudzimu, lwe a... ya phanda na u haṭula Eli, munna we a mu hulisa. Munna we a vha e khotsi khae huno o mu lela nahone a mu kanzwa.

<sup>85</sup> Vhakomana vha vhashumeli, ndi ḫo ralo? Vhashumeli, zwifhinga zwinzhi, kha mutheo wavho wa dinomineisheni na ndaela, ndalukano dzavho tshikwamani tshavho, vha onoyo khotsi, ḥenelo dzangano ḫo vha hulisaho huno ḥa vha kanzwa huno ḥa vha alusa huno ḥa vha vhea tshivhidzoni u ya nga vhuimo, huno ḥa vha vhea tshivhidzoni, ni tea u ditsitsa kha zwine vha funza. Ni a vhona? Tshi ḫo vha tshithu tsho vifahado hani kha mulanda wa ngoho wa Mudzimu u pfa Ipfi ḥa Mudzimu huno a tea u vhuya kha ḥenelo dzangano ḥi re mme lithihi, ḥa ri, “Wo haṭulwa ngauri a u ḥanganedzi iḥi Ipfi.” Ndī tshithude nandi!

Zwo vha zwi tshi kondā kha Samuele. Fhedzi o vha e muporofita, o ḫo tea u zwi ita. Hu sa londwi uri kana zwi a vhaisa kana hai, o ḫo tea u zwi ita naho zwo ralo.

<sup>86</sup> Mushe o pfa Ipfi ḥa Mudzimu. O vha o ḥala theolodzhi. O vha a tshi divha zweṭhe *zwa nga ngomu* na *zwa nga nn̄da*, fhedzi yo kundelwa. O pfa Ipfi ḥa Mudzimu, Mushe o vha a si tsha vha a fanaho na kathihi.

<sup>87</sup> Huno a hu na muthu a sa faniho na kathihi. Inwi ni nga di pfa ndevheni dzanu i—Ipfi ḥi tshi amba, fhedzi musi ni tshi pfa mbiluni yanu, Ipfi ḥi tshi amba, ni a vhona, zwenezwo ni khou pfa. A ni vhoni nga iṭo lanu. Ni sedza nga iṭo lanu, ni vhona nga mbilu yanu. Ni vhona tshiñwe tshithu, na ri, “A thi khou tou tshi vhona,” ni khou amba uri a ni tshi pfesesi. A ni pfi nga ndevhe dzanu, ni pfa nga mbilu yanu. Zwifhinga zwinzhi ndevhe dzanu dici pfa Ipfi ḥa Mudzimu ḥa ngoho, huno ḥi wela kule hanu vhunga madi a tshi wa muṭanani wa sekwa. Fhedzi musi ni tshi pfa zwa vhukuma, ni pfa nga mbilu yanu.

<sup>88</sup> Huno theolodzhi yoṭhe ye Mushe a vha e nayo, o vha a songo pfa Ipfi ḥa Mudzimu. Fhedzi liñwe quvha Mudzimu a vhidza uyu mulisa wa miñwaha ya fumalo siani liñwe huno a amba nae, huno a ḥi pfesesa. O sumbedza uri O vha e Mudzimu. Tsha u thoma tshe A ita kha Mushe, ho vha hu u khwaṭhisiedza Ipfi Lawe, “Ndi khou tsela fhasi, Ndi a elelwa zwe Nda fulufhedzisa.”

<sup>89</sup> Huno izwi ndi zwe A fulufhedzisela mađuvha a u fhedzisela. U do takusa vhatu vha bvaho kha Vhannda, na pfulufhedziso dzothé.

<sup>90</sup> “Izwi Ndo zwi fulufhedzisa.” Ha pfi, “Mushe, bvula zwienda zwau.” Nga manwe maipfi, Łi hulise. “Zwino posa lubada lwau fhasi.” Huno lu—lubada lwo omaho lu bvaho phangani īwa vha nowa, huno Mushe a i fara, huno ya humela murahu kha nyimele yayo hafhu. Ni a vhona? O zwi dīvha uri uyo o vha e Mudzimu, ngauri Mudzimu o ri, Ipfi la Mudzimu, Ipfi le A vha a tshi khou amba, ha pfi, “Posa lubada fhasi lu re tshandani tshau.” Ilo ndi Ipfi la Mudzimu. Ni songo lingedza u ita zwenēzwo zwithihi, ilo a si Ipfi la Mudzimu kha inwi, ilo ndi Ipfi la Mudzimu kha Mushe. *Ngeli* Ipfi la Mudzimu kha inwi! “Poselani lubada fhasi.” Lwa shanduka īwa vha nowa. Ha pfi, “Zwino u a i shavha? I dobe nga mutshila,” huno ya humela murahu hafhu. Ipfi la Mudzimu khae. Naa O itani? Mudzimu o khwaṭhisēdza Ipfi Ławē.

<sup>91</sup> Ndo wana luṭingo miňwedzi i si gathi yo fhiraho, hu tshi ṭodou vha, ho no vha, oo, ho no di ṭodou vha ḥwaha, ho no fhela ḥwaha wo fhiraho. Mufumakadzi muṭuku magumoni a vhuṭumani ha thelefoni, a re na mureri wa Baphuthisi na mureri wa Pentekostała. A ri, “Mukomana Branham, Murena o nnyita muporofita.”

Nda ri, “Zwavhuđi.”

<sup>92</sup> A ri, “Ni a dīvha, ndi vhudzwa zwauri inwi no amba zwauri inwi—inwi ni a ḥanzilela uri mushumo wanga wo vha u wa Mudzimu.”

<sup>93</sup> Zwino, ndo kundelwa u zwi ita izwo, zwi fhambana na Ipfi. Ngauralo nda ri, “Mufumakadzi, iyo ndi phoswo. A thi vhuyi nda ni dīvha.”

<sup>94</sup> Huno mureri wa Baphuthisi, nda mu pfa, nda pfa mureri wa Pentekoste. A ri, “Zwo luga, ndi na muṭangano fhano.” Huno a ri, “Murena u khou ita zwithu zwihulwane.”

<sup>95</sup> Nda ri, “Ndi a zwi livhuwa izwo.” A ri...nda ri, “Naa O no vhuya a ni vhudza tshiňwe?”

A ri, “Ee, ndi na mbekanyamushumo khulwane tshandani.”

<sup>96</sup> Nda ri, “Zwi a mangadza.” Nda ri, “Zwino, naa mbekanyamushumo yaŋu ndi ifhio?” Nda ri, “Naa Murena o ni vhudzani?”

<sup>97</sup> “O ri, ‘Iya Phoenix, Arizona, nga datumu *nkenenene*, huno zwenezwo Ndi khou yo u ḥea Dutchman Gold Mine wo xelaho, huno u khou yo dzhia uyu musuku u no wanala ngomu heneffo huno wa lambedza vhafunziruňwa u mona na shango.” Ngeno ri tshi dīvha uri Dutchman Mine ndi tshiṭori tsha sialala. “Ngauralo A ralo.”

<sup>98</sup> Nda ri, “Zwo ralo, ndi do ni vhudza uri ni nga wanulusa hani uri kana ndi Mudzimu kana hai.” Nda ri, “Ni vhe ni hone nga

ilo ḫuvha. Huno arali zwi zwone uri ni wana Dutchman Mine wo xelaho, zwenezwo ndi Mudzimu. Arali ni sa wani Dutchman Mine wo xelaho, zwenezwo shandukani huno ni pandele uyo muya wa u zwifha kha inwi.” Iyo ndi ndila ya u wanulusa uri kana ndi Mudzimu kana hai.

<sup>99</sup> Mudzimu o ri, “Mushe, posela lubada fhasi, huno lu do shandukela kha ḥnowa.” A zwi ita. A ri, “I dobe huno i ḫo vha lubada hafhu.” A zwi ita.

<sup>100</sup> Musi Mudzimu a tshi ita pfulufhedziso ya mushumo mađuvhani aya a u fhedzisela, U ḫo i khwaṭhisēza two tou kokotolo nga ndila ye A ri U ḫo zwi ita. Zwenezwo ni a divha uri ni na Ipfi li re ḥone. Ni khou thetshēlesa Tshithu tshi re tshone, ngauri ndi Ipfi li no khou khwaṭhisēdzwa. Ni a vhona? Oo, nga ndila... ni mpfarele, ndo... Zwo luga.

<sup>101</sup> Mushe o difara nga ndila yo fhambanaho. Sedzani uri Mushe o ita tshi—tshithu—de tshi seisaho. Zwino, tshifhinga tshoṭhe musi ni tshi khou tevhela Ipfi la Mudzimu, ni a penga, kha shango. Duvha li tevhelaho, a wana Mushe, e na mufumakadzi wawe o dzula kha meila, huno muswa e khunduni dzawe, kana itsho ndi tsha tshipembe, “ṅwana” e khunduni dzawe, huno vho vha vhe heneffo. Uyu mukalahā a re na ndebvu dzi nembelelaho nga ndila *iyyi*, na ḫohoho yawe i re na phanda i tshi penya, lubada lu tshandani tshawe, o ranga phanda donngana, a tshi khou ya henengei thungo ya Egipita o ḫifunga nga he a kona u ya. Muñwe muthu a ri, “Mushe, ni khou ya ngafhi?”

<sup>102</sup> “Ndi khou ya ngei Egipita, u dzhia maanda a tshithu.” He a kundelwa sa muṭhannga, o kundelwa sa munna wa mmbi, fhedzi hafha o vha a tshi khou yo dzhia maanda. Huno o zwi ita. Mulandu? O vha o no pfa Ipfi la Mudzimu nahone a Li vhona li tshi kwathisedzwa ḫuvha lawe, u itela zwithu zwe zwa vha zwi tshi tea u vha hone nga ḫuvha lawe. O zwi vhona.

<sup>103</sup> Paulo, Mufarisei wa tshitaila tshawe, o tou dala nga theolodzhi sa zwe a vha a tshi nga vha ngaho, fhedzi liṅwe ḫuvha a pfa Ipfi la Mudzimu. A vhona Khavhu ya Mulilo, huno a divha uri ho vha hu na tshiṅwe tshithu tsho fhambanaho. Tsho shandukisa vhutshilo hawé. A hu londwi uri ndi Vhafarisei vhangana, ndi VhoGamaliele vhangana kana tshiṅwe tshithu—vho tsho vha tshi tshi nga vhidzelela Paulo, “no khakha, no khakha,” Paulo, musi o pfa Ipfi la Mudzimu, o zwi divha uri Lo vha li Ngoho.

<sup>104</sup> Petro, wa vhurereli nga he a vha ngaho, a tshi vhulunga maitele a vhahulwane, a si fune u la nama. Hai, muñwe wanga. Ho ngo vha na mushumo nayo na luthihi. O vha a tshi khou vhulunga maitele a vhahulwane zwa vhukuma, heneffo kha Ipfi. Naa ho bvelelani? Nga liṅwe ḫuvha a pfa Ipfi la Mudzimu, “U songo ri izwo zwi a ila nahone ndi zwa tshikha, musi Ndi tshi kunakisa.”

O vha e munna o shandukaho. O vha o dilugisela u ya huňwe na huňwe he Murena a mu ruma hone.

<sup>105</sup> Ndi tshi vala, ndi nga amba izwi. Ho vha hu na munna nga tshinwe tshifhinga we a vha e mutendi. O vha o no fhedza mađuvha maňa o fa. O vha e tshaloni, a tshi khou nukha, o sina, fhedzi o pfa Ipfi la Mudzimu li tshi amba, “Lazaro, bvela nnnda!” Huno arali Lo bvisela munna nnnda nga murahu ha musi o vha o fa nahone o sina, naa Li tea u itani kha tshivhidzo tshine tsha kha di vha na vhutshilo ngomu hatsho? Li tea u vha vusa, kha vhuada ha maipfi aya othe e ra amba nga hao, a vhurereli, politiki, Hollywood, zwiporofito izwi zwothe zwa khole-khole na zwithu zwo bvaho. Vhukati hazwo zwothe, Ipfi la Mudzimu la ngoho li do vhidzela munna, uyo o faho tshivhini na vhutshinyini, vhutshiloni hafhu. Li tea u dzhia tshivhidzo tsho guneaho huno la tshi vhidzela vhutshiloni hafhu. Ngoho!

<sup>106</sup> Elelwani, kha u vala, ndi amba izwi, huno zwenezwo ndi do vala. Yesu o ri, “Tshifhinga tshi do da, musi vhothe vhe vha vha vhe tshaloni vha tshi do pfa Ipfi la Mudzimu.” Huno ni khou yo Li pfa. A hu londwi uri ni kha nyimele-de, ni khou yo Li pfa nahoh zwo ralo. Huno vhaňwe vha avho vha bvaho tshaloni, vha do da khaňuloni. Vha a pfa Ipfi, fhedzi Li a haňula. Huno arali ni tshi Li pfa ñamusi, “Namusi, nga murahu ha tshifhinga tshilapfu zwingafha, musi ni tshi pfa Ipfi Langa, ni songo rindidza mbilu dzaňu, sa zwe na ita mađuvhani a u nala.” Huno arali vhoinwi, vhatu vha Pentekoste ni tshi ñiita tshigwada kha dzindaela hafhu, kha u funa shango, “ni na tshifanyiso tsha u nga ni ofha Mudzimu huno Maanda aho ni tshi a landula,” ni sa athu tea u vuwa kha mvuwo u yo haňulwa, ngauri Ipfi la Mudzimu li no amba na vhoinwi zwino nga Ipfi li do ni haňula nga ilo duvha.

<sup>107</sup> Arali ni tshi tou vha mutendi a dudelaho, Ipfi la Mudzimu li khou vhidzelela mbiluni yanu matsheloni ano, “ni mutendi a dudelaho,” ndi khwine ni tshi shanduka!

<sup>108</sup> Inwi munna, vhasadzi, vhatukana kana musidzana, ane a sa khou tshirela Kristo, huno Ipfi la Mudzimu li amba na inwi nga Ipfi Lawe huno li ri “litshani u ita izwo,” ndi khwine ni tshi zwi ita. Ngauri ni khou yo Li pfa hafhu nga linwe duvha, huno Li do ni haňula. Ni nga si Li hane, Li khou amba na inwi zwino. Huno, elelwani, zwo rikhodiwa.

<sup>109</sup> Huno avho vha no ita zwi re zwone huno vha pfa Ipfi Lawe, vha do vutshela u lugani, Vhugalani, Tađuluni.

<sup>110</sup> Ngauralo ni khou yo pfa Ipfi La Mudzimu nga tshinwe tshifhinga. Khamusi nga matsheloni ano Li amba mbiluni yanu nga ndila i sa pfalesiho, uri ni tea u huma kha ndila ine na khou tshimbila khayo, na humela murahu ha Mudzimu. Zwino, elelwani, vha do rikhoda ilo Ipfi li no khou amba na mbilu yanu, ngei Tađulu. Huno nga linwe duvha musi Yesu a tshi vhidza, nahone vhothe vha re tshaloni, vhothe, vho lugaho na

vha khakhaho, vha do vuwa. Huno zwenezwo leneli Ipfi lithihi li do hevhedza murahu kha inwi, “Ngei Phoenix, Arizona, nga matsheloni a *inwe* Swondaha, musi mushumeli o ni fareledza, a tshi khou amba nga ha Ipfi, Ndo amba na inwi; nda ni vhudza vhoiñwi vhasadzi u litsha mavhudzi anu a tshi aluwa, litshani u ambara lwa vhuada; ndo ni vhudza inwi munna u litsha u amba mazwifhi uho, u dahan; ndo ni vhudza vhoiñwi vhareri uri ni vhuyelete kha Ipfi la Mudzimu.” Ni a vhona uri ndi khou ambani? Izwo ndi zwone.

Ilo Ipfi lo dzikaho li ri, “Zwi nga di vha zwone.”

<sup>111</sup> Arali ndi tshi do tea u da vhunga Nikodema, ndi do di lingedza u swika henengei. Ndi do da kha Ene, huno nda bva hafha phangani huñwe fhethu, huno nda ri, “Murena Mudzimu, ndi fhano, ntshandukise zwino. Mmbumbe nga fesheni Yau.” Vhuyelelani kha Ipfi. Huñwe fhethu hune na vhona uri ni khou tuwa kha Ipfi, vhuyani murahu kha zwezwo, ngauri ngedane u khwañhesa hayo hu he ya tuñwa hone hu si na nungo. Huno huñwe na huñwe vhatshiloni hañu he na tutshela mulayo wa Mudzimu, u shumela maitele, heneffo ndi hune ngedane yanu ya do vundea hu sa londwi uri no khwañha hani kha tshiñwe tshithu. Farelelani kha tshanda tsha Mudzimu tshi sa shanduki.

<sup>112</sup> Kha ri rabele. Namusi, nga murahu ha tshifhinga tshilapfu zwingafha, Murena, Wo amba zwauri U do amba, U do ñwala milayo Yau kha tafula dza dzimbili. A thi ñivhi tsho imaho phanda hanga. Tshithu fhedzi tshine nda ñivha u ita ndi u dzhia Ipfi Lau huno nda Li tharamudza, ngoho Li do dzula fhasi ha mañwe matombo huñwe fhethu. Ndi a rabela, Mudzimu, uri U do amba na muthu muswa muniwe na muniwe, vhukale vhuñwe na vhuñwe ha vhukati, muthu o aluwaho, tshiñwe na tshiñwe tshine tshi nga vha tshone. Amba na mbilu yanga, Murena. Amba na mbilu dza avha vhashumeli. Amba na mbilu ya tshivhidzo.

<sup>113</sup> Ri a rabela, Khotsi, uri ñamusi ri do pfa Ipfi Lau. Huno ri a ñivha, sa zwe zwa vha zwi zwone mađuvhani a Samuele, bono lo vuleaho ndi tshithu tshi sa sokou wanala, huno lo akhamadza vhathu. Zwo ralo na ñamusi. Ri na miloro na vhalori, ri na zwiambi na vhañlatshedzi, nga nnnda ha bono lo vuleaho li no bva kha Ipfi la Murena, nahone lo lulamiswa... Ri a rabela, Khotsi wa Tađulu, uri ilo Ipfi le la vha li tshi khou vhidzelela sogani, “lugisani ndila ya Murena,” uri ri a tenda Muya Mukhethwa u ñea ilo Ipfi hafhu ñamusi, “Lugiselani U Da ha Murena!” Huno A li bvumbei hani, ngauri hu na mañwe maipfi manzhi ane a nga Li farisa tshivhevhe na u Li bvisela nnnda, fhedzi Ndi la tshilidzi dzindevheni dza avho vha Li pfaho. Ndi rabela uri Muya Mukhethwa zwino u do ita mushumo mbiluni dzashu rothe.

<sup>114</sup> Huno musi ro kotamisa zwifhañuwo zwashu, nahone ndi a fulufhela uri mbilu dzashu dzo kotama: Arali ni tshi ñivha

huňwe fhethu uri a no ngo thetshelesa vhutshiloni hanu, ni divha luňwe Luňwalo, lune na divha uri ndi pfunzo ya Bivhili ye na sa shumisane nayo, ngauri tshiňwe tshithu, ipfi la Hollywood lo ni ita uri ni ite tshiňwe tshithu nga ndila yo fhambanaho. Huňwe fhethu he vhoiwi vhashumeli na wana fhethu Bivhilini, hune zwa vhukuma ha vha Ngoho, fhedzi ni a divha uri dzangano lanu li do ni bvisa arali no funza Izwo, huno ni a divha uri zwa vhukumakuma ndi Ngoho. Kha vhoiwi vhatħu vha no dzhia tshithu tsho khakheaho, na tshila vhutshilo ho khakheaho. Vhoiwi vhokhotsi na vhomme vhane na sa khou lingedza u koreka vhana vhanu, ni sa khou lingedza u vha alusa. Ni nga di ita zwa khwinesa, huno vha khou tshimbila nga lwa shango naho zwe ralo, fhedzi ni khou vhea tsumbo phanda havho. Huno arali ni sa khou zwi ita, Ipfi la Mudzimu li khou amba na inwi, “Ni songo zwi ita izwo.”

<sup>115</sup> Huno zwino tshifhaňu tshiňwe na tshiňwe tsho kotama na mađo othe o valwa, huno ngavhe Mudzimu wa Tađulu a tshi sedza fhasi mbiluni dza uyo muthu a re na ndala nahone a wana fhethu hune vha khou khakha. Huno nga tshanda tsho yaho nħha u swika kha Mudzimu, tshi tshi ri, “Murena, ndi a tama ngangoho uri Ipfi Ľau li bvise u sa tenda hoħe, na zwithu zweħe zwine zwa sa nge Iwe, huno nnyite zwine Wa do ħoda ndi tshi vha zwone,” ni nga imisa zwanda zwanu. Musi ni... Murena a fhaṭutshedze. Mudzimu a ni fhaṭutshedze.

<sup>116</sup> Zwenezwo Bivhili yo ri, Yesu o amba, huno naho hu na aya maňwe maipfi othe, “Nangwe zwe ralo arali muthu a tshi do pfa Ipfi Ľanga.” Mu tevheleni, ni khou yo wana lutamo lwani.

<sup>117</sup> Murena, tshifħinga tshi khou fhela. Fhedzi Bivhili yo ambauri, “Vhanzhi vho tendaho, vha lovħedzwa.” Ndi a rabela, Khotsi wa Tađulu, uri muňwe na muňwe wa avho vho imisaho zwanda zwavho nga dupo la ngoho, uri Ipfi la Mudzimu le vha li vhaħa, nahone vha vhona uri vho vha vho khakha. Na kathihi a tho ngo sedza na hafu yavho. A zwi kha nne u sedza, zwi kha Iwe u sedza, Murena. U a divha tshituwedzi na ndivho ya tshanda tsho imaho. I ri, u bva kha awara yeneyi, vha qimisele mbiluni dzavho, “U bva kha lino duvha, u ya phanda, ndi do dzhia Ipfi la Mudzimu na Ipfi la Mudzimu, huno nda Li tevhela hu sa londwi uri mutengo ndi mini.” Huno zwi elelwani, musi vha tshi khou tuwa, luimbo lwa murendi, “Yesu u fanelu u hwala tshifħambano e ħe, huno shango loħe la vhofholowa? Hai, hu na tshifħambano tsha muňwe na muňwe; hu na tshifħambano tshanga. Huno itshi tshifħambano tsho nekedzwaho ndi do hwala, u swika lufu lu tshi mbofholola.” Zwenezwo musi Ipfi la Mudzimu li tshi amba, “Ndi do bvelela ndi kha u luga Hawe, ngauri ndo tevhela Ipfi Ľawé, Ipfi la Ipfi Lawe.” Ndi vha kumedzela kha Iwe zwino, Murena, nga Dzina la Yesu Kristo.

<sup>118</sup> Zwino ro kotamisa zwifhaňu zwashu, inwi ni tshi khoubula dupo lanu na u ita pfulufhedziso yanu. Ndo mangadzwa nga

mutukanyana o dzulaho hafha, a tshi khou monisa ṭhoho yawe. Huno ngelo Ipfi la tshivhidzo, “Ndi nne Murena A fhodzaho malwadze au.” Ilo ndi Ipfi li re tshivhidzoni. Huno vhoinwi nothe vhane na ṭoda phodzo, nahone ni tshi khou tshila vhutshilo ho kumedzelwaho kha Ipfi la Mudzimu liñwe na liñwe uri ni a divha tshi re tshone, na uri ni na ṭhodea ya phodzo, ndi a mangala arali ni tshi do tou imisa tshanda tshanu. Imisani tshanda tshanu, “Murena, ndi na ṭhodea ya phodzo.” Zwo luga.

<sup>119</sup> Zwino, vhulungani iļo Ipfi mbiluni yanu, “Ndi nne Murena a fhodzaho malwadze au othe.” Elelwani, musi Ipfi li tshi ambiwa, Li tea u khunyelela. Yesu o amba, Marko 11:22, “Arali na amba na iyi thavha, ‘Sudzuluwa,’ huno na sa timatime mbiluni yanu, fhedzi na tenda uri zwe na amba zwi ḥo khunyelela, ni nga vha na zwe na amba.”

<sup>120</sup> Zwino, muñwe na muñwe nga ndila ya riñe vhañe zwino, kotamisani tshifhañuwo tshanu, balani dupo ḥanu, “Murena, ndi tenda Ipfi ḥau. Ndi pfa Ipfi ḥau li tshi mmbudza uri U a sa shanduki mulovha, ñamusi, na lini na lini.” Ndi khou yo tsela fhasi huno nda vhea zwanda kha uyu ñwana, ngauri ndi muñkusa u ñivha uri zwi malugana na mini, mutukanyana wa vhuthogwa, ane nga vhuhulu na vhukale a ṭodou edana na Joseph wanga mutuku. Huno ndi ṭoda nothe ni tshi rabela, rabela, “Murena, ndi pfa Ipfi ḥau. Ndi a tenda.”

<sup>121</sup> Khotsi wa Ṭađulu, ri khou ñisa avha vhathetshelesi kha Iwe u itela phodzo ya muvhili wavho. Huno, Murena, hafha ho dzula ñwana muñku a ṭungufhadzaho, u khou kunga tshenzhemu yanga tshifhinga tshoñe kha Mulaedza, ndi tshi vhona mubebi a tshi dzula hangei o fara muthu muñku. Nga saintsia ya mishonga, a hu na fulufhelo kha muthu muñku. Hu na Ipfi la Mudzimu li no kandekanya tshinwe na tshinwe. Huno sa itsi tshivhidzo tsho ṭangana fhethu huthihi u ita mulayo muñwe na muñwe une nda ñivha uri u itwa hani, zwiñwe zwoñthe ndi Zwau, Khotsi. Ndi khou tsela fhasi huno ndi tshi khou vhea zwanda kha uyo ñwana.

<sup>122</sup> Khotsi Mudzimu, nga Dzina la Yesu Kristo, ndi hačula hovhu. I ri mañda a Mudzimu, phodzo ya Mudzimu... Ngavhe hu tshi vha na phambano khulu khae kha miniti miñanu i tevhelaho. Ngavhe vhoñe vha tshi da kha Mudzimu, u itela vhugala Hau.

<sup>123</sup> Khotsi wa Ṭađulu, Wo ñea pfulufhedziso. Izwo ndi zwone fhedzi zwine nda ñivha, Wo ñea pfulufhedziso. Zwo itwa, sa zwe zwa ambiwa, “Arali na amba na iyi,” huno nne ndi khou amba na diabolo muñwe na muñwe wa vhulwadze kana mat̄hupho a no khou vhofha avha vhathetshelesi, a no khou vhofha avha vhatthu, maya muñwe na muñwe wa u sa tenda, nne ndi khou ri, “Tuwa kha vhatthu, nga Dzina la Yesu Kristo!” Zwino, ri a ñivha urí zwo ñwaliwa, huno zwino zwo ambiwa, i ri zwi itwe, uri khuliso na

vhugala zwi ye kha Mudzimu. Huno nga Dzina la Yesu Kristo zwi a humbelwa.

<sup>124</sup> Zwino, inwi ane a kona u tenda, huno ni tshi tenda, a hu londwi uri hu bvelelani, a zwi tei u vha nga u ralo, mbeu yo wela heneffho. Itsho tshiñwe tshiñuku ngomu hanu, ilo Iphi. Mubebi wa uyu ñwana, a hu londwi uri nyimele ya ñwana ndi ifhio, ni a tenda mbeu ya Mudzimu yo wela mbiluni yanu, uri uyo mutukana u do takala? Vhañwe vhothe rabelani, nga tshañu, naa ni a tenda uri mbeu ya Mudzimu yo wela mbiluni yanu, “vhulwadze hanga ho fhela”? Zwenezwo thabelo ya lutendo yo no rabelelwa inwi, tsitselani fhasi iyo thanda. Huno arali Sañhane a vhuya a lingedza, inwi vhuiani heneffha murahu, “Ndo ima kha tshila tshivhidzo tsha Tshipenishi, nga ayo matsheloni a Swondaha, thabelo ya lutendo yo rabelelwa nne. Huno Mudzimu o fulufhedzisa!” Thabelo ya lutendo i do tshidza mulwadze huno Mudzimu u do vha vusa. Zwi tea u khunyelela. Ni a zwi tenda, i ri ni, “Amene.” Mudzimu a ni fhañutshedze. Zwino ndi do humisela tshumelo murahu kha Mukomana Rose, ndi dzhia uri hafha, Mukomana Jewel Rose.



*IPFI LA MUDZIMU MAQUVHANI AYA A U FHEDZISELA* TSV63-0120M  
(The Voice Of God In This Last Days)

Hoyu Mulaedza nga Mukomana William Marrion Branham, u rangani wo ḥewa  
nga Tshiisimane nga matsheloni a Swondaha, Phando 20, 1963, kha Tshivhidzo  
Tsha Vhuapostola ngei Phoenix, Arizona, U.S.A., wo dzhiwa kha rekhodo ya  
theiphi ya maginete huno wa gandiswa u songo pfufhifhadzwa nga Tshiisimane.  
Heyi ṭhalutshedzo ya Tshivenḍa yo gandiswa huno ya phaḍaladzwa nga vha  
Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)